


南榮子



道藏輯要

玄元十子圖

叁

翼集

南榮越見老子老子曰何與人偕來之眾也越懼然顧其後老子曰子不知吾所謂乎越俛而慙仰而歎曰今者吾忘吾答因失吾問老子曰何謂也曰不知乎人謂我朱愚知乎反愁我軀不仁則害人仁則反愁我身不義則傷彼義則反愁我已我安逃此而可老子曰能抱一乎能勿失乎能舍諸人而求諸己乎能脩然乎能侗然乎能兒子乎兒子動不知所爲行不知所之身若槁木之枝而心若死灰若是者福亦不至禍亦不來禍福無有惡有人災初越師庚桑子子曰吾才小不足以化子子胡不南見老子故越見老子曰願因楚而問之